

Prográmmaplána

Boazoealáhusa bachelor

180 oahppočuoggá



Dohkkehuvvon Dutkan- ja oahppostivrras 23.11.21 (Public áššenr. 21/00734-5). Rievdaduvvon goahtejodiheaddji mearrádusnotáhta bokte 22.11.22 (Public áššenr. 21/00734-14), 29.11.23 (Public áššenr. 21/00734-27) , 11.11.24 (Public áššenr. 24/00651-1) ja 01.07.25 (Public áššenr. 24/00651-3).

1. Prográmma namma ja grádanamahus go lea geargan oahpus

Prográmma namma:

Sámegillii: Boazoealáhusa bachelorprográmma

Dárogillii: Bachelorprogram i reinnæringsstudier

Eanjalasgillii: Bachelor Programme in Reindeer Husbandry Studies

Grádanamahus:

Sámegillii: Boazoealáhusa bachelor

Dárogillii: Bachelor i reinnæringsstudier

Eanjalasgillii: Bachelor in Reindeer Husbandry Studies

2. Oahppoprográmma viidodat

Bachelorprográmma viidodat lea 180 oahppočuoggá ja normerejuvvon oahppoáigi lea golbma jagi.

3. Sisabeassangáibádusat

- Dábálaš sisabeassangáibádusat alitohppui. Sisabeassanvuoddu sáhtá leat juogo oppalaš lohkan gelbbolašvuohta (čadahan joatkkaskuvlla/logahaga/gymnása) dahje reálagelbbolašvuohta
- Sámegielmáhttu.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeohpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvoštallamii ja meannuduvvo dán vuodul.

4. Oahpahus- ja eksámengiella

Oahpahusa váldogiella lea davvisámegiella. Oasit oahpahasas sáhttet leat eanjalasgillii ja davviriikkalaš gielaide. Oahpahus eanjalasgillii ii dulkojuvvo. Eará gielaide oahpahus dulkojuvvo dárbbu mielde. Eksámengiella lea davvisámegiella.

5. Oahppanjoksos

Maŋgel čadahuuvvon oahpu galgá kandidáhtta olahan čuovvovaš oahppanjoksosiid:

Diehtu:

Kandidáhtta

- diehtá mo sámiid ealáhus- ja birgenlágat leat leamaš áiggiid čada
- dovda sámiid rivttiid eatnamiidda, čáziide, gillii ja oahpahussii
- dovda sámi árbevirolaš riekteipmárdusaid ja riektivuogádagaid

- diehtá mo stáhtaid almmolaš čáhce- ja eananhálddašeapmi lea huksejuvvon
- diehtá mo olbmo sadi lea birrásis, mo olbmuid oktavuodát gaskaneaset ja olbmuid oktavuodát luonddu ja biras sivdnádusaiguin leat mearkkašan sámi birgenlágiide
- dovda guovddáš boazosiidavuđđosaš bargovugiid, doahpagiid ja ipmárdusvugiid
- diehtá guovddáš beliid boazosámi beaivválaš bargovugiin, ealáhuslágiin ja biebmovuogádagain
- diehtá movt sáhtá háhkat lassi árvvu ođđa birgenvugiiguin
- dovda boazoealáhusa ekonomii ja ollislašvuoda.

Máhttu:

Kandidáhtta

- máhtá historjjálaš gálduid, dutkama ja práksisiiddieđuid vuodul buktit ovdan sámi ealáhuslágiid máhtuid, bargovugiid ja vieruid
- máhtá buohtastahtit almmolaš hálddašeami máhtovuodu, beaivválaš boazobarggu ja siiddastallama máhtovuoduin, ja buktit ovdan vejolaš goabbat ipmárdusaid ja gulahallanválttisvuodaid mat sáhttet čuožžilit dien guovtti gaskka.
- máhtá loktet ovdan ja suokkardallat čuoččumaid mat čuožžilit sámi servodagaid ja stuorra servodagaid beroštumiid gaskkas, earenoamážit dáláš stáhtalaš hálddašemiid ja daid váikkuhusaid birra
- máhtá olbmo sadi ja sámi ealáhusaid ja birgenlágiid atnit vuolggasadjin guorahallat birashtalaš, hálddahuslaš ja bistevašvuoda gažaldagaid ektui
- máhtá boazosiidavuđđosaš bargovugiid, doahpagiid ja ipmárdusvugiid geavahit ealáhusdoaimmaid, hálddašeami ja riektedulkoma gažaldagaid guorahallamis
- máhtá moaitevaččat árvvoštallat bargobirasbeliid ja almmolaš ekonomalaš statistihkaid ja doarjjavugiid
- máhtá váldit adnui dutkama ja fágalaš dieđuid ja vávjevaččat lahkoniid ja atnit daid iežas bargguin.

Oppalaš gelbbolašvuodta:

Kandidáhtta

- lea bures oahpásnuvvan ovdalaš sámi ealáhus- ja birgenlágiide, boazosiiddastallamii ja birashálddašeami čuoččumaide ja ehtalaš gažaldagaide
- máhtá oasis doaimmahit iešguđetlágán bargguin ja prošeavttain ealáhusaid ja birra hálddašeami dáfus ja olis, vuogigalaš ja buori vieru njuolgadusaid mielde
- máhtá ákkastallama ja gulahallama bokte ovdanbuktit čuoččumaid, teorehtalaš lahkonaivugiid ja vejolaš čovdosiid buorin ealáhusdoaimmaide ja birashálddašeapmái
- máhtá oaidnit ođđa vejolašvuodaid sámi ealáhus- ja birgenlágiid ja earenoamážit boazoealáhussii gullelaš práksisiin.

6. Oahpu oppalaš sisdoallu

Oahpus leat guovddášis čanastagat ja deaivvadeamit mat nuppebealde gullet Sámi árbevirolaš vuoddealáhusaide, das earenoamážit boazosiiddastallamii, ja nuppebealde riektovuoddu, riikkaid almmolaš hálddašeami huksen ja doaibmavuogit. Dain beliin leat iežaset árbevierut, vuoddomálet ja máhtovuogádagat.

Dát oahppu addá earenoamáš gelbbolašvuoda sámi vuolggasajis guorahallat davviriikkaid sámi guovlluid sullasašvuodaid ja erohusaid máhtuin, bargovugiin, vieruin ja birgenlágiin. Dákkár

gaskavuodain ja iešguđetlágánvuodain leat ollu buohtastahttinvejolašvuodát ja dáid diehtin ja guorahallan addá kandidáhtaide gelbbolašvuoda ovdanbuktit sámi servodaga dárbbuid hálddahuslaš vuogádagain.

Viidáset oahppu addá vuodu dovdat boazoealáhusa ekonomii ja ollislašvuodadiliid ja daid ođasmahttima beliid, ja dasa lassin maid dáid diehtovuodu árvvoštallat ealáhusa bistevašvuoda

7. Prográmma huksehus

Boazoealáhusa bachelorprográmma sisttisoallá:

- 30 oč oktasá geatnegahtton vuodđooahpuid: OKT 101, OKT 102 ja OKT 103
- 70 oč geatnegahtton fágaoahpuid: SER 101, SER 102, SER 103, SER 104, JUR 101, JUR 102, JUR 103
- 50 oč geatnegahtton boazoealáhus čiekŋudanoahpuid: BEA 201, BEA 202, BEA 203, JUR 201, BEA 204

30 oč doarjjafágaid maid studeanta ieš vállje eavttuin ahte leat relevanttat ohppui ja dohkkehuvvojit doarjjafágan oahppoprográmmii. Daid sáhtá maid váldit eará alitoahppoásahusain ja olgoriikalonohallama bokte.

1. lohkanbadji	2. lohkanbadji	3. lohkanbadji	4. lohkanbadji	5. lohkanbadji	6. lohkanbadji
OKT 101 Eamiálbmot- filosofija, 10 oč	SER 101 Ovdalaš sámi ealáhus- ja birgenlágat, 10 oč	SER 103 Olmmoš ja biras, 10 oč	Lonohallan/ doarjjafágat, 30 oč	BEA 201 Boazoealáhusa siiddastallan ja eatnamat, 10 oč	BEA 202 Bargohárjehallan boazoealáhusa bachelora prográmmas, 10 oč
OKT 102 Diedalaš čállin ja guorahallan, 10 oč	SER 102 Sámi birasehtalaš vierut 10 oč	SER 104 Árbevirolaš sámi ealáhusdoaimmat odne, 10 oč		JUR 201 Boazoealáhusa lágat ja riektevuoddu, 10 oč	BEA 203 Boazoealáhusa ekonomiija ja doaibmabiras, 10 oč
JUR 101 Sámeriekti, 10 oč	JUR 102 Almmolaš eanan- ja čáhce- hálddašeapmi sámi guovlluin, ja dan diehtovuoddu, 10 oč	JUR 103 Sámi riekteipmárdusat, 10 oč		OKT 103 Metodalaš lahkonanvuogit, 10 oč	BEA 204 Bachelorčálus, 10 oč

8. Oahpahan ja oahppanvuogit

Oahpus lea sihke fysalaš ja neahttavuodot oahpahus. Oahppoplánain lea dárkilat diehtu oahppoovttadagaid lágideami birra. Oahppan lágiduvvo deaivvademiid, studeantačoahkkanemiid, oahppomátkkiid, bagadallamiid ja daid gaska neahttagulahallama bokte. Guđege oahppoovttadaga oahppoplánas leat dieđut fágaid oahpahusain ja oahppanvugiin. Ohppui gullá maid oanebotta bargohárjehallan.

9. Árvvoštallanvuogit

Árvvoštallanvuogit rievddadit oahppoovttadagas oahppoovttadahkii, ja bohtet ovdan oahppoplánain.

10. Bargo- ja joatkkaoahppovejolašvuodát

Bachelorprográmma ollašuhttin addá gelbbolašvuoda dihto mastergrádaoahpuide juogo Sámi allaskuvlla dahkan soahpamušaid vuodul eará oahppoásahusaiguin dahje ohcama vuodul.

Oahppu addá gelbbolašvuoda bargguide mat hálddašit, doaimmahit, čielggadit dahje leat doarjjan ovdánahttit sámi ealáhusaid, ja das erenoamážit boazoealáhusa. Muđui bargguide mat gullet meahcebirrasa ja dasa gullevaš doaimmaid hálddašeapmái. Dasa lassin eará bargguide maidda gullá seailluhit, oahpásmahttit dahje ovdanbuktit sámi dieđuid, máhtuid ja bargovugiid das mii gullá sámi ealáhus- ja birgenlágiide obalohkáii.

11. Eará dieđut

Olgoriikalonohallan:

Lea vejolaš čadáhít oasi oahpus sihke olgoriikkain ja eará alitoahppoásahusain Norggas. Studeanttat geat háliidit vuolgit lonohallamii, ávžžuhuvvojít dan dahkat 4. lohkanbajis, mii lea várrejuvvon doarjjafágaide.

Kvalitehtasihkarastin:

Čujuhuvvo Sámi allaskuvlla kvalitehtasihkarastinvuogádahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvoštallamiid, eksámenraporttaid, sensorraporttaid ja fágaraportta vuodul.